

丹溪脉因證治

下

			一三五七	漢書門
		二一〇	四七	
二	一	〇		
冊	架	函	號	類


內閣文庫			
三〇	一三五七		漢書
函	四七		
一	二七		
架	冊	號	類

內閣文庫			
番號	漢	12547	
冊數	2 (2)		
函號	301	4	





丹溪朱氏脉因證治下卷目錄



- 三十一消渴 三十二痞 三十三腫脹 三十
- 四嘔吐噦 三十五噎膈 三十六瘡瘍 三十
- 七癰疽 附癭瘤 三十八乳癰 三十九瘰 四
- 十發癍 四十一丹疹 四十二金瘡 附油火湯大傷
- 四十三傾仆 四十四藥所中傷 四十五顛狂
- 附癩 四十六驚悸 四十七疝 四十八胸氣
- 四十九虫惑狐 五十喉痺 五十一口 五十
- 二舌 五十三目 五十四耳 五十五鼻 五
- 十六齒 五十七結燥 五十八痔漏 附肛莖病

五十九婦人胎產 六十帶下 六十一經候
 六十二崩漏 六十三小兒證 六十四雜論治
 六十五雜治 六十六五臟證 六十七七情證
 六十八雜脉 六十九察視 七十汗法

丹溪朱氏脉因證治目錄畢

丹溪朱氏脉因證治下卷

三十一消渴

脉心脉滑為渴 滑者陽氣勝 心脉微小為消痺
 脉軟散者氣實血虛 脉洪大者陽餘陰虧 寸口
 脉浮而遲浮為虛衛氣虧遲為勞榮氣竭 陽脉浮
 而數浮為風數消穀 消痺脉實大病久可治 懸小
 堅急病久不可治 脉數大者生實堅大者死 細浮
 短者死

因証膏梁甘肥之變則陽脉盛矣 陽脉太甚則陰

氣不得營也津液不足結而不潤背燥熱為病也

經曰二陽結謂之消 二陽者陽明也手陽明太陽

主津病消則目黃口乾是津不足也足陽明主熱

則消穀善飢血中伏火乃血不足也此皆津血不

足而熱也 夫因則火一也病則有上中下三也
蓋心火盛于上為膈膜之消病則舌上赤裂大渴
引飲論云心移熱于肺傳于膈消是也以白虎加
參湯主之 火盛于中為腸胃之消病善食自瘦
自汗大便硬小便數 論云痺成為消中者是也
以調胃承氣三黃等治之火盛于下為胃消病則
煩燥小便濁淋如膏油之狀論云焦煩水易虧者
是也 以六味地黄丸主之
治法熱淫所勝治以甘苦甘以瀉之熱則傷氣氣傷
則無潤折熱補氣非甘寒不治

李以補肺降火生血為主

秘丹生血為主總治三消 連 天花粉 人乳

地黄汁 藕汁 蜜為膏徐徐啣舌上以白湯下

參膏湯治膈消上焦渴不欲多食 人參半兩 石

膏壹兩 知母六錢 甘草三錢半 水煎或方

加寒水石妙

順氣散 治消中能食小便赤黃 川朴壹兩 大

黃四兩 枳殼貳錢 赤芍藥 水煎服

茴香散治腎消小便如油 茴香 苦煉炒 加五

味子為末酒下貳錢食前服

珍珠丸治白淫滑泄思想無窮所愿不得之証 黃
 蘗壹斤燒 真蛤粉壹斤 水丸空心酒下藥降
 火蛤鹹補腎 又方 芦根 瓜蒌根 麥門冬
 知母 竹葉 牛乳 已上大治消渴
 生津甘露飲已下出李 石膏 甘草滋水之源
 連 梔子 知母 蘗瀉熱補水 杏仁 麥門
 冬 全蝎 連翹 白葵 白芷 歸身 蘭香
 和血潤燥 升麻 柴胡行經 木香 藿香及
 佐取之 桔梗 為末舂之
 酒煮黃連丸治中暑熱渴

太陽渴脉浮無汗 五苓散滑石類 陽明渴脉長
 有汗白虎涼膈等 少陽渴脉弦而嘔小柴胡加瓜
 蒌 太陽渴脉細不欲飲不思水 少陰脉沈白自
 利者猪苓三黃湯 厥陰渴脉微引水少與之
 神芎丸 已下出張 連 入心 牽牛逐火滑石 入腎
 大黃逐火 芩入肺 箔荷散
 三黃治消渴 大黃 春秋二兩夏一兩冬五兩 芩
 春四兩秋夏六兩冬三兩 連 春四兩秋夏七兩冬
 桂苓甘露飲調之 白虎湯調之 生藕節汁淡
 竹瀝汁生地黃汁相間服之潤之寒水石甘草葛

粉等分濃煎麥門冬苗下二錢

神白散治真陰虛損

猪肚丸治消中 猪肚一箇 連五錢 麥門冬心去

知母 瓜蒌 右四件末入肚縫之蒸爛熱於砂

盆內杵而丸之如堅少加蜜丸如梧子大每服四

五十九

葛根丸治消腎 葛根三兩 瓜蒌三兩 鉛丹二

兩 附一兩炮削 蜜丸如梧子大十九一日三

服春夏去附

胡粉散 大渴不治腎消 鉛丹半兩 胡粉半兩

瓜蒌根二兩半 澤瀉 石膏 白石脂 赤石
脂各半兩 甘草炙三兩半 丸末任意服痛者
減服

人參白朮湯 參 朮 歸 芍藥 大黃 梔仁
澤瀉半兩 連翹 瓜蒌根 茯苓各一兩 桂
霍香 木香一錢 寒水石二兩 滑石 硝各
半斤 甘草三兩 石膏四兩 姜煎入蜜少許

口燥口乾口渴咽乾須詳之
三十二痞

因誤下陰虛 食積痰滯 濕土虛痞

論曰太陰濕土為積飲痞膈乃土來心下痞滿也
證治誤下多則之陰胃中之氣因虛而下陷於心之
分野宜升胃氣以血藥治之 亡陰謂脾胃水穀
之陰亡也 痰積痞膈胃中窒塞宜消導之謂之
實痞 濕土虛痞有二大便秘能食者厚朴枳實
主之大便利者為藥陳皮主之

治法以瀉心湯黃連為君瀉心下之土邪厚朴降氣
三因論狀心下堅滿痞急痛如刺不得俛仰其胃前
皮皆痛短氣咳唾引痛咽塞不利習習如痒喉中
乾燥嘔吐煩悶自汗時出痛引徹背外有心熱而

痞之痞則滿硬 結胃則痛屬胃痺

大消痞丸治濕土痞虛氣痞 連炒 芩三錢 姜

黃 白朮 半夏各一兩 甘草炙一錢 宿砂

一錢 枳實炒 生姜五錢 陳皮二錢 曲炒

一錢 朴三錢 澤瀉一錢半 猪苓一錢半

木香有憂氣結中脘心下痞滿肚皮底微痛加之

否則不用

利膈丸 除痰利膈 芩 生乙兩 連 星 夏 各半 枳

殼 陳皮 各三錢 木 二錢 白礬 半錢 澤瀉 五錢 曲

炒

瓜蒌丸治胃痞或脇下逆搶心

瓜蒌子 枳實 陳皮 取瓜蒌皮穰末熬丸

胃痞切痛加梔子燒存性 附子炮各二兩

三十三腫脹

脉遲而滑者脹 盛而緊曰脹 陽中有陰也 跌陽

緊而浮 緊為痛而堅滿浮 弦而遲者必心下堅

又云肝木克脾土鬱結閉於 浮而數 浮則虛

藏氣府氣不舒胃則脹閉 浮而數實則數

脉浮 皆浮 虛緊瀼者脹 憂思結連脾肺氣

而 脈名水黃汗皆沈 脉沈而滑名風水 浮

而遲 浮熱遲濕熱温相 弦而緊 弦而衛氣不行

搏沈石水必矣

水滿腹大如鼓 脉實者生 虛者死 洪大者

生 微細者死 腹脹便血脉大時絕極脉小疾

者死 中惡腹大四肢滿脉大而緩者生 緊大

而浮者死 緊細而微者亦生

因證蓋腫脹之因其始則一其變則二皆脾胃之士

生焉 水腫之因蓋脾虛不能制水腎為胃關則

不利水漬妄行滲透經絡其始起也 因窠上微腫

頭脉動欬陰股寒足脛脹乃大其水已成矣按其

腹隨手而起如裹水之狀 短氣不得卧者為心

水 小腹急滿為小腸水 大便鴨溏為肺水

乍虛乍實為大腸水 兩脇痛為汗水 肝 口苦咽

乾為膽水 四肢重為脾水 小便澀為胃水

腰冷痛足冷為腎水 腹急肢瘦為膀胱水 然

此十水謂之正水審脉証分經絡隨而治之 風

水 脉浮 惡風 歸肝 皮水 脉亦浮 不惡風 按沒指 歸肺

石水 脉沉 不惡風 歸腎 黃汗 脉沈遲 熱而多寒 歸脾

治法腰以上腫宜汗腰以下腫宜利小便主治使補

脾氣實則能健運以參朮是也佐以黃芩 參冬制

肝木腹脹加厚朴氣不運加沈木香使以通利須

必全矣開鬼門潔淨府正此謂也外有濕腫用加

附子脉沈細是也 又有腫痛為中寒也加附子 是也

脹滿皆脾土轉輸失職胃雖受穀不能運化精微聚

而不散墜壅寒清濁相混濕鬱於熱熱又生濕遂

成脹滿 又寒濕抑遏過於脾土之中積而不散

而脹臃寒病是也 又五積痰飲聚而不散或宿

食不化皆成脹滿

煩心短氣卧不安為心脹 虛喘咳滿為肺脹 脇

痛引小腹為肝脹 善噦四肢悅体重不勝衣卧

不安為脾脹 引皆央央然腰髀痛為腎脹 腹

滿胃脘痛妨食聞焦臭大便難為胃脹 腸鳴痛
冬寒飧泄為大腸脹 小腹膜滿引腰而痛小腸
脹 小腹氣滿而氣瘞為膀胱脹 氣滿于膚硜
硜然為三焦脹 脇痛脹口苦善太息為膽脹
寒氣客于皮中鼓空空不堅腹身大色不變按不
起為膚脹 腹脹身皆大色蒼黃腹筋起者為鼓
脹。寒氣客于腸外與胃相搏氣不得營因而所
係痺而內着其如大也如鷄子至其成如懷胎按
之則堅推之則移月事不以時下為腸覃 寒氣
結于子門閉塞不通惡血當瀉 石血 血番止

日以益大如胎月事不時此生于胞中為石癖此
二者皆生於女子可導而下

治虛則宜補脾以養肺流濕以散氣治以參朮佐以
平胃茯苓熱加芩連血虛加四物有死血加桃仁
風寒外邪自表入裏寒變為熱而胃實滿宜以大
承氣下之 積痰宿食宜以消導或大黃丸下之
經云去菟陳莖是也 前者之外有胃寒腸熱腹
脹而且泄 胃寒則氣收不行為脹腸 連 木香
大黃 朴 茯苓 青菜
又有胃熱腸寒故痛而且脹 胃熱則善飢消穀腸寒
則血凝脈急故痛而且

脹 又有莖腫膺腫胃脹皆氣不順有餘於上
 又有身腫而冷胃塞不能食病在骨節汗之安
 忌面上黑點肺敗 掌中無紋敗心 臍突敗脾 脚
 根腫敗肝 腹滿青筋敗腎 榮衛俱絕浮腫者死
 唇腫齒焦者死 卒痛面蒼黑者死 臍腫反出
 者死 陰囊莖俱腫者死 脉絕口張腫走者死
 足跌腫勝如斗死
 變水湯治腫脹 木 茯苓 澤瀉各二 郁李仁
二 煎入姜汁調以苾木為建中之類
 楮實丸治脹

木香散治腫 木香 大戟 白牽牛各一 右為
 末三錢猪腎子乙雙批作片子糝末在內煨熟空
 心服更塗甘遂末于肚上少飲甘草水

十棗丸治腫
 五皮散治腫皮水 大腹皮 桑白皮 茯苓皮
 生姜皮 陳皮 木香
 消腫丸 滑石 木通 木 牽牛 茯苓 半夏
 陳皮 木香 丁香 瞿麥 酒糊丸麥門冬湯
 下

中滿分消丸治熱脹鼓脹氣脹 芩刮黃皮 連炒

一兩 姜黃 木 參 猪苓 甘草 各二兩
宿砂 陳皮 各三錢 枳實 炒 半夏 各五錢 朴 乙兩

廣茂潰堅湯 治脹有積塊如石上喘浮腫 朴
草豆蔻 歸尾 芩 益智 各半兩 生甘草 連

莪朮 柴胡 曲 澤瀉 各三錢 吳茱萸 青皮
陳皮 二錢 半夏 七錢 桃仁 蘇木 木香 紅花

海金沙 九治腫 牽牛 生半兩 均半兩 甘遂 兩半 金砂 三錢

木香 塌氣丸 治脹 胡椒 草豆麵 裹煨 木香 三錢

蝎梢 二錢半 去毒

大補中氣行濕散氣湯

秘傳十水丸 後用尊重九退餘水水 甜葶藶 炒

澤瀉 巴豆 去殼 大戟 醋 芫花 炒 甘遂 醋

桑白皮 漢椒 茯苓 雄黃 每三錢 先用水一狗

以邊末入五更水下 車水葫芦丸 止用一掃先為貴 木香 三錢 丁香 三錢

香黑白 錢二 牽牛 甘遂 枳殼 烏藥 芷

歸茶丸

尊重丸 治盪脹腹大水腫氣逆喘乏 沈香 丁香

參 栝榔 木香 青皮 陳皮 枳實 白牽
牛 木通 車前子 苦苧麩 赤茯苓錢四 胡
椒 海金沙 白豆蔻 蝎尾 滑石二錢 蘿
蔔子炒六錢 白丁香半錢 郁李仁去皮乙 姜
汁糊丸姜湯下

氣分與胃痺中滿皆相類中滿為氣虛胃痺為氣實
分挾痰飲氣分

病為涎飲所隔榮衛不利腹滿脇鳴相逐氣轉膀胱
榮衛俱勞陽氣不通則身冷陰氣不通則骨疼陽
前通則痺不仁陰陽相得其氣乃行大氣轉其氣

乃散實則失氣虛則遺溺名曰氣分寸口遲而濇
遲則氣不足濇則血不足氣故涎結水飲所作分血
婦人經水前斷後病名曰血分先病水後經斷名曰
水分

類別相似

洪腫類多自正水之餘有風水皮水石水黃汗等入
水門如脾氣橫泄脚氣皮滿膚脹腸覃石瘕氣分
血分皆相似也
類分臍脹

有胃中風 脾中寒 中濕 心痺 肝虛 脾傷

脾熱 飲聚 女疸

小腹脹 有腎熱 三焦虛寒 腸癘 女勞疸

面腫肺中風 腎中風 胃寒 肺水

有論肝腫七證

有肺氣隔於膜外運行不得遍身浮腫脉浮治宜調
肺通氣 有男臟虛女血虛傷於冷毒之物成積
礙氣道不通腹急氣喘亦有四肢不腫只肚鼓脹
脉弦治宜化積 有脾寒久年不愈傳為浮腫且
云內有伏熱因於瀉利及其熱乘虛入脾致胃脹
急脹脉數治宜解熱 有脾主肌肉肉如泥按之

不起土濕病也脉沈治宜燥脾 有脾虛不能制

腎水脾濕如泥脉沈遲治宜緩脾元利水道 有

傷風濕而腫或傷冷濕而腫氣血凝滯脉浮緩治

宜發散風濕也 有久病氣虛面浮手足虛氣妄

行者婦人產後或經事後有此一證是氣虛也

其脉虛弱治在調氣補血

結陽者腫四肢夫熱勝則腫四肢為諸陽之本陽結

於內不得行於陰熱邪則苑于四肢大便閉澀是

熱也非水也宜服 犀角 玄參 連翹 升麻

木通 麥門冬 芒硝

有脇肢滿或腹滿痛或胃脹亦有經氣聚而不行脇如
肢滿少陽經不支行也余皆倣此 有頭腫膺腫胃脹皆氣不順有
餘於上 有身腫而冷胃塞不能食病在骨節汗
之安

三十四嘔吐噦

脉形狀如新卧起 脉弱而嘔小便復利身有微熱
見厥者死 跌陽脉浮胃氣虛嘔而不食恐怖死
寬緩生寒氣在上陰氣在下 夫嘔家有瘕膿者
不可治膿尽自愈 先嘔却渴此為欲解先渴却
嘔為水停心下屬飲嘔家本渴今反 嘔多雖有

陽明証不可下蓋邪氣不在胃口 脉數故吐汗令陽微
數為客熱不能消穀 陽緊陰數食已則吐陽浮
而數亦然或浮大皆陽偏勝陰不能配 寸口脉
緊而芤脈為陰結而遲具人則噎 關上脉數則
吐 脉弦者虛也胃氣無餘朝食暮吐變為胃反
寸緊尺濇胃滿不能食而吐之止者為下之未止
者為胃反也 跌陽脉微而濇微則下利濇則吐
或浮而濇浮則虛虛傷脾脾傷則不 寸口脉微
而數微則血虛血虛 脉緊而濇者難治 嘔吐
思者易解 關上脉浮大風在胃中心下漉漉食

欲嘔 關上脉微浮積熱在胃中嘔吐蚘虫 關
上脉緊而滑者虵動 脉緊而滑者吐逆 脉小
弱而濇胃反

證嘔吐噦胃各有所辨 吐屬太陽有物無聲乃血

病也有食入則吐食已即吐食久則吐之別 嘔

屬陽明有物有聲氣血俱病 噦無病有聲氣也病

因治

因治因胃口有熱膈上有痰故嘔吐 亦有寒氣客于

腸胃厥逆上出故痛而嘔 因胃中虛膈上熱故

噦 亦有痰水滿塞而噦 因胃氣虛陽火上衝

故吃逆亦有痰熱在胃中氣不降而吃

按推度食疑錯

李論寒客胃中物盛上溢故嘔清厥甚則痺食而吐

寒氣與新穀氣俱還于胃中新故相亂真邪相攻

故噦三者雖殊皆因脾胃虛弱亦因寒氣寒胃加

之飲食所傷而致宜以丁香霍香半夏茯苓陳皮

生姜之類主之 又有痰飲者必下之 又論皆

氣衝之火逆胃之脉反上而作治宜降火吃者氣

逆也陰火炎上也氣自臍下為火直衝上出於口

而作聲也 又火結痰氣而上升衝出于口也治

宜降火行氣導痰而自安

劉論吐有三氣積寒也 上焦吐者皆從於氣 氣者天之

陽也脉
浮而洪

其証食已暴吐渴欲飲水大便燥結氣
上衝而胃脘痛治宜降氣和中 中焦吐者皆從
於積食與氣相假為積而痛脉浮而匿 其証或
先吐而後痛或先痛而後吐治法以毒藥行其積
木香枳榔去其氣下焦吐者從於寒也脉沉遲
其証朝食暮吐暮食朝吐小便清利大便不通治
法毒藥通其閉塞溫其寒氣也

三因論有寒嘔熱嘔痰嘔食嘔血嘔氣嘔 寒因胃
寒傷食四肢厥冷脉弱宜四逆湯 熱食入即出
煩燥脉數柴胡湯 痰昔肥今瘦腸間有聲食與

飲並出宜半夏人參主之食嘔因胃虛寒氣在上
憂氣在下朝食暮出不消宜養胃湯主之 血因
瘀蓄冷血聚於胃口因憂怒氣攻血隨食出宜茯
苓湯主之 氣胃者陽明合榮於足今隨氣上逆
心膈脹嘔却快宜茱萸湯主之

方論吃逆切忌熱藥丁香類病皆胃虛陰火所乘宜
參木火補之類如痰實者察以病因形氣俱實以
人參芦吐之 有傷寒差後嘔者當去餘熱 有
酒家嘔解酒治之 有脚弱脾疼而嘔者此脚氣
內攻依脚氣門治 有中毒而嘔者解毒治之

嘔吐卷三自改

有懷孕惡阻者依惡阻治之 有心中風心中寒
肝中風中濕脾痺有漏氣 有走哺女人患嘔吐
者甚死其陰在上故也

論皆屬於火 嘔而心下痞半夏瀉心湯 乾嘔而

利者黃芩半夏湯 嘔吐穀不得入小半夏湯

嘔吐病在膈上猪苓湯 食已即吐者大黃甘草

湯 胃反吐而渴茯苓澤瀉湯 似嘔不嘔如噦

不噦無茶姜汁半夏湯 噦逆上氣者陳皮竹茹

湯 陳皮 人參 甘草 竹茹

桔梗湯上焦氣熱所衝食已暴吐脉浮而洪 已下

出劉 桔梗 木各乙 半夏 曲二 陳皮

枳實炒 白茯苓 朴制乙 煎下木香栝榔末

各乙兩大府燥結加承氣湯

荆黃湯治前証熱氣甚者 荆芥穗乙 參五錢

大黃三錢 甘草二錢 調下木香栝榔二錢

清鎮丸治前証頭疼有汗脉弦 柴胡二 芩七錢

半夏 甘草各半 青代二錢 參半錢 右姜汁

浸炊餅丸梧子大食後姜湯下

紫沈丸治中焦吐食積與寒氣相假故吐而痛 半

夏 曲 烏梅去核 代赭石 宿砂各三錢 杏去皮

沉香 木香 各乙
陳皮 兩半
檳榔 丁香 各二
白豆蔻 錢半
木 錢乙
巴豆霜 另半錢
右醋糊丸米

大姜湯下五十九

木香白朮散治前証腹中痛是脾持實緊強宜和之

木香 兩八
木 兩半
半夏 曲 兩乙
檳榔 錢二
茯苓

甘草 錢四
右濃煎芍藥姜湯下二錢有積而

痛手不可按無積者宜之

附子丸治下焦朝食暮吐暮食朝吐大便不通 附

炮五 錢五
巴豆霜 錢乙
砒 另半錢
右黃蠟丸如梧子

大每二丸冷水下利為度更服紫沈丸不令再閉

安胃散李先生治嘔吐噦以胃寒所致 丁香 錢半

茱萸 草豆蔻 參 各乙
炙甘草 錢半
芫 錢乙

柴胡 錢半
升麻 錢七
藥 錢二
陳皮 錢半
歸 乙錢

蒼朮 錢乙
半夏 茯苓 陳皮 此二味治嘔吐痰涎
飲為患加之

煎稍熱服 秘方治痰嘔吐 二陳湯

山梔炒 連 姜汁 香附 虛加蒼朮 吃逆

丹寒則可用此世俗之劫亦可戒 丁香 柿蒂

錢乙 竹茹 湯煎

有惡心吐虫數條後乃頻作服殺虫藥則吐虫愈多
六脉皆細非虫脉也乃臟寒而不安矣有嘔飲食

皆不得進治嘔愈嘔此胃風也

論吐有三証

冷吐先覺咽酸嘔然後吐食味小滑者是王叔和云閉

胃寒不下食傷寒汗下過多胃中虛冷食久反吐

亦屬於寒胃熱而吐者聞穀氣則嘔一藥下則

吐或傷寒未解胃中有熱閉脈洪宜涼胃中有

宿食或痰飲或停水閉沈而伏者宜吐之

三因論嘔吐出於胃故有寒熱食痰血氣同上條

論嘔逆則咳逆也大卒率胃實則噫胃虛則噦

此因胃中虛膈上熱也故噦或至八九聲相連收

滑痰度

氣不回驚人者若傷寒久病得此甚惡內經所謂
壞府是也亦有噦而心下堅痞眩悸者以膈間
有痰水所為非虛之危比也痰則半夏湯主之
噦虛橘皮竹茹湯主之

論漏氣病者身背皆熱肘臂牽痛其氣不續膈間厭

悶食則先吐而後下名曰漏氣此由上焦傷風開

其腠理經氣失道邪氣內着麥門冬湯主之 麥

門冬 生芦根 竹茹 白朮 人參 甘草

茯苓 陳皮 姜蕤

論走哺

病者上焦實熱大小便不通氣逆不續嘔逆不禁
名曰走哺人參湯主之 前方加芩知母 石膏
山梔 去竹茹 麥門冬

三十五噎膈

脉濇小血不足 脉大而弱氣不足

因血虛

血陰血也主靜內外兩臟腑之火起氣虛氣

靜火則不能生焉 臟腑之火熾而或因金水二氣不養或

金生水制火則不起 陰血不生腸胃津涸傳化失宜或因痰隔妨碍升
降氣不交通皆食入復出謂之膈噎即翻胃也噎
病也 大槩因血液俱耗胃腕亦稿在上近因之

下水飲可行食物難入間或可食入亦不多名之
曰噎其稿在下與胃為近食雖可入難尺入胃良
久復出名之曰膈亦名翻胃大便秘少如羊矢名
雖不同病本一也

張論三陽結謂之膈

三陽大腸小腸膀胱小腸結熱也結者結熱也

則血脉燥 大腸結熱則後不通 膀胱結熱則

津液涸 三陽既結則前後閉則反而上行此所
以噎食不下縱下而復出也宜先潤養因而治下
或涎痰上阻用苦酸微微涌之

論三因有五噎 氣噎者心悸上下不通噫噦不徹

胃背痛 憂噎者遇天陰寒手足厥冷不能自溫
勞噎者氣上膈脇下支滿胃中填塞故背痛 思
噎者心怔悸喜忘目視眈眈 食噎者食無多少
胃中苦寒痛不得喘息

五膈 憂膈者胃中氣結津液不通飲食不下羸瘦
短氣 思膈者中脘食滿噫則醋心飲食不消大
便不利 怒膈者胸膈逆滿噎塞不通嘔則筋急
惡閉食臭 喜膈者五心煩熱口舌生瘡四肢倦
重身常發熱胃痺引背食少 恐膈者心腹脹滿
欬嗽氣逆腹中若冷雷鳴遶臍痛不能食

治法宜以潤養津血降火散結萬藥萬全

有人血耗便如羊矢病反胃半年脉澁而不勻不
大便八九日先與甘蔗汁煎 六君子湯加附子
大黃與之伺便潤令以牛乳服之 方四物湯

陳皮

去白

紅花

酒

桃仁

番

驢屎

防其

成虫

秘方治膈噎

里便

牛羊乳

韭汁

竹瀝

蜜

潤燥

姜

去穢

甘蔗汁

鮮酒

氣虛加四君子血

虛加四物

胡荽丹治反胃氣結 烏鷄一隻淨令 胡荽子入鷄

中縫之煑熟食之漸盡不得再一隻鷄妙也

三十六瘡瘍

脉沈實發熱煩燥外無焮火赤痛其邪深在內故先
疎通以絕其源

脉浮大數焮腫在外當先托裏恐邪入於內 脉不

沉不浮內外証無知其所在經當和榮衛 浮者太

陽 長者陽明 弦者少陽 浮者在裏宜行經

沈者在裏宜疎利臟腑 緩者身重除濕 緩者濕勝故重

脉大心躁乍熱 大者心脉有熱 脉弦眩運有風 脉肝

澁者氣滯之津瀉氣補血 濇者血虛 脉弦細

便溺多溺寒水 脉細為膀胱之寒水

因火之屬 溫熱相傳肌肉敗壞而為膿 榮氣不

從逆於肉理乃生癰腫 榮氣運氣也逆而不行其源在經 濕氣

外傷害人皮肉 皆榮氣之不行也 膏粱之變足

生疔 皆榮氣逆行凝於經絡其源在裏發於表也

証瘡瘍諸證皆榮氣盛偏助大邪而作隨虛而出於

經絡也如太陽經虛從背而出 少陽虛從鬚而

出 陽明虛從髭而出 腎脉虛從腦而出 微

熱則痒熱甚則痛血虛則痛甚熱甚則腫甚

治法外者宜以辛涼發散之通聖涼膈解毒是也

內者宜以苦寒下之三黃湯玉燭散是也 中者

宜以調經涼血等是也 腫瘍宜解毒下之是也
潰瘍宜托裏補之是也 如頸經加通經之藥妙
矣夫邪氣內搐腫熱宜砭射之也 氣勝血聚者
宜石而泄之

如腫瘍年壯謂伏熱在心可降其火如潰瘍年老癉
嘔不食謂虛大補病瘡腰脊痠癢者死

內疏黃連湯治嘔啞啞癉熱脈沈而實腫硬色不變

根深臟腑秘澁 連 芍 歸 木香 枳榔

芩 梔 苛 梗 甘草 各乙 連翹 二 大黃

便秘加之 行經 芩 連 連翹 人參 木

香 枳 柳 藥 澤瀉 在腰已上至頭者枳殼

疏利臟腑用前藥中加大黃痛者當歸黃芪止之

傷煎散治腫掀于外根盤不深脈浮邪氣盛則必侵

于內宜執之 地骨皮 芪 芍 芩 木 枳

苓 參 歸 桂 甘草 防己 各乙 防風 二

右以蒼朮一升水五升煎至半去查入藥煎服便

秘加大黃熱加黃連

黃連消毒湯治一切瘡疽背腦 連 錢 乙 芩 藥

地黃 知母 各四 錢 羌活 乙 獨活 防風 藁

衣 歸尾 桔梗 連翹 各四 兩 芪 參 甘草

蘇木錢二 防己錢五 澤瀉錢二 遠志酒

忍冬酒不問腫潰皆有奏捷之功然三酒有補性

歸心歸血之効

金銀花湯治痛色變紫黑者回瘡 金銀花并枝

甘草各二 苳四 酒乙升閉口重湯煮酒煮可

乳香散治痛瘡口大 寒水石煨 滑石各乙 乳

香 沒藥半 腦子少 末糝上口

雄黃散治惡肉不去 雄黃錢一 巴豆乙箇去 乳

香 沒藥少許 細和勻敷上肉

木香散治久不收口 木香 栴柳 歸乙 連二

為末糝之 出刺骨 血竭罨之骨自出

治漏瘡刺骨 青橘葉 地錦草

右二件杵成膏先洗瘡口淨用杜牛根納入瘡
中以膏付之縛定

一上散治瘡疥癬 雄黃另 硫黃各五 斑猫

三个去翅足另 黑狗脊另 寒水石 蛇床子炒各

右細末同勻油調搽上加法隨病

金絲其狀如繩線巨細不一上下行至心即死可
於瘡頭上截經刺之出血後嚼萍草根塗之立安

治疔瘡劉先生方 烏頭尖 附子底 蝎稍 雄

黃各乙 蜈蚣乙 礪砂 粉霜 輕粉 麝香

乳香各半 信二錢

右末先破瘡口出血了以草杖頭用紙帶于於
內以深為妙

丁瘡毒氣入腹昏悶不食

紫花地丁 蟬退 貫衆各半 丁香 乳香

溫酒下二錢

治丁瘡李先生方 歸尾 沒藥 白芨 乳香

膏木 杏仁 黃丹 華麻 粉霜 巴豆 木

鱉子 芝麻油 桃柳枝 右煎如法白菊花紫

莖者汁服查服付之 茜草根葉亦可

丁瘡先痒後痛先寒後熱定則寒四肢沉重頭痛心

驚眼花嘔逆則難治

貼杖瘡 虎骨 藥 連 芩 苦參 以五味煎

入油紙煎又數沸次以紙貼上

惡瘡霜後凋蕉葉乾末付香油調油紙掩先用忍冬

藤葱椒金絲草洗松上白蟻泥黃丹冬炒黑香油

調付外用油紙夾上日換後用龍骨沒藥於口上

收肉 黃丹入香油煎入朴硝抹瘡上

口瘡神方 焰硝 鵬砂 含口不開以南星於湧

泉醋付之 飲酒人口糜 導赤散 五苓散

風寒過絕陽氣不伸声不出 半夏制乙 草烏頭

桂各乙 煎服 赤口瘡 白礬飛 沒藥乳

香 銅錄 末糝 白口瘡 雄黃 沒藥各乙

輕粉錢半 巴豆 末糝

唇緊燥裂生瘡用青皮燒灰猪脂調付夜卧頭垢亦

口痛瘡 五味子乙 藥蜜 滑各半 銅錄加糝

白薔薇汁嗽之良 有口瘡不下食衆以狐惑治

之必死未以礬湯於脚上浸半日損寬以黃藥蜜

炙殭蚕灼末付立下乳而安 一方神効西瓜外

皮燒灰 栝 連 硃砂 孩兒茶 逢砂為末

水調抹效 牛痴瘡 皂角 枯礬 輕粉 連

藥 沙瘡 柶地藤燒灰 足上毒瘡 蜜陀僧

黃連付之法 旱蓮草 鹽敲 桑白皮打細作餅盖

干易之 杜牛膝 無名異 金星草俱

治脚五倍 研牛脚同髓調厚朴 治陰瘡 臘茶

五倍子等 膩粉 少許付 孩兒茶妙 又方

降真香磨水抹效

三十七癰疽 附癭瘤

脉數身元熱內有瘰也 脉數名當發熱而反惡寒若 有痛處當發其瘰

脉數而虛咳唾涎沫為肺痿 脉數而實或滑欬
則胸中隱痛為肺癰 脉緊而數膿為未成緊去
但數膿為已成 脉滑而數小腹堅滿小便或澀
或汗或寒為腸癰 設脉遲緊聚為瘀血下血則
愈 設脉洪數膿為已成 腸癰脉滑為實數為
熱 衛數下降榮滑上升榮衛相干血為敗濁皆
濕熱之所為也 死之地分 伏兇 腓膈 背
臑命 項上 腦 髭 鬚 頤

因火之毒氣結之毒從虛而出也薄處先穿之義
師全用補 蓋厚味之火氣鬱之結壅滯經絡或

引痰飲血為之滯氣為之乱積久從虛而出其經
也夫陰滯於陽則癰陽滯於陰則疽 氣得於而
鬱津液稠粘為痰為飲而久滲入肺血為之濁此
陰滯於陽也血得邪而鬱墜道阻隔積結痰滲出
脉外氣為之乱此陽滯於陰也 肺痿熱在上焦
肺癰乃風傷於衛熱過於榮血為凝滯蓄結成癰
囊癰乃濕熱下注也有作膿者此濁氣順下將流
入滲道因陰雨虧水道不利而然膿盡乃安 骨
疽因厚味及酒後涉水得寒故熱邪深入髀樞穴
左右積痰老血相搏而成也 內疽因飲食之火

七情之火相鬱而奔在腔子而向裏非于腸胃盲膜也以其視之不見故名之曰內

証肺痿病多涎唾小便及難而數大便如豚腦欲欬不效欬出乾未唾中出血上氣喘滿或躁而渴者寸口脉數而虛按之漉肺癰病欬逆上氣濁吐出如粥膿血胸中隱痛又欬膿血口燥或喘滿不渴唾沫腥臭時時振寒寸口脉數而實按之滑腸癰病小腹重強按則痛堅滿如腫小便數似淋或澁或自汗復惡寒又身甲錯腹皮急按之濡如腫狀腹如聚積按之痛如淋小便自調甚大

腹脹大轉側聞水声或遠臍生瘡或膿從臍出背癰脉數身無熱而反惡寒若有痛處背癰其癰附骨疽與白虎飛屍歷節皆相似歷節走注不定白虎飛尸痛淺按之便亦能作膿着骨而生附骨疽痛深按之無益

治法宜補氣血瀉火散氣初覺可熱拔毒已潰則拔毒補氣用分經絡氣血多少可補可驅毒如少陽分少血多氣宜補

千金內托散內托之名使氣克實則膿如推出也 羗活 獨活 藁
本各一錢半 防風身 歸稍各半錢 連翹三錢 芩

酒 芪 參 甘草 炙一錢半

陳皮 蘇木

五味 各五分 藥 酒 知母 酒

生地黄 酒 連 各酒

半一錢 漢防己 酒 桔梗 各半

枳 猪苓 皮去

麥門冬 去心 各二錢 大黃 酒三錢 作二服煎

一錢 煎服

驗方有婦人年七十性好酒形實性急腦生疽脉緊

急切瀉 大黃 錦紋 人參 酒炒 每一錢 煎服

驗方有人年五十形實色黑背生紅腫近骨下痛甚

脉浮數而洪緊食亦大嘔時冬月 麻黃 桂枝

冬月 生附脉緊 藥 炒酒 瓜蒌 甘草節 卷

活 青皮 半夏 參 芪 姜煎

驗方初生一切瘡癬痘疹癸背服之殊効亦能下死

血 大黃 甘草 辰砂 血竭 酒下

鮮毒丹治一切癸背痘疹金石毒 紫背車釐大者

塩泥固濟煨紅出火毒甘草膏九甘草湯下惡物

用寒水石煨紅入甕沈井中臘猪油調付

又方以輕粉為佐又以灯草為佐散腫消毒輕者杖可

清涼膏治癸背 歸芷 木鱉肉 白芨 黃皮

白欵 各乙 乳香 研 膩粉 少 白膠 少 丹 五

麻黃 十 右煎前六味候紫色去之入槐柳枝各

七十再煎入丹臨時入下

三生散治謾腫光色附骨瘡如神 露蜂房 蟬退

頭髮等分燒灰存性參錢研細酒下

曾用五灰膏付一宿待惡肉腐以刀去之盡以香油

蘸在錦上紐乾覆之待好肉如岩合盪狀方可收

口收口用龍骨白斂乳沒等藥付之

肉疽用四物湯加減服之有人性急味厚左脇下一

則弦重則乳知其痛處甘草乾姜人參治肺痿

甘草四兩 乾姜二兩 參乙兩 棗三箇 煎服

小青龍湯治肺癆先鮮表之邪也此

葶藶大棗瀉肺湯治癯疽喘不得卧也 葶藶炒黃研丸

彈子大水三升入棗先煎二升去棗入葶藶煎至一升頓服之先進小青龍湯三服後進此

桔梗湯治咳胸滿唾如米粥當吐膿血 甘草 桔

梗各乙兩 常葉湯治咳有微熱胸中甲錯此治潰

瘍之法也 葦葉二升切 薏苡仁 瓜瓣仁各半

斤 桃仁五十箇 煎服 又方瓜蒌連穰不煎

薏苡附子敗毒散治腸癰身甲錯腹皮急如脹本

無積聚身無熱脈數者 附地 敗醬各二錢 薏

苡仁十箇 水煎

大黃牡丹湯治腸癰小腹或偏在膀胱左右大如掌

熱小便欲調時自汗脈遲緊未成膿可下之膿成

不可下 大黃四 牡丹皮三 芒硝二 凡子

乙 桃仁五十 水煎頓服

雲母膏有如腹痛百分不治脉滑数腹微急脉當沈

細今脉清数以雲母膏下之雲母膏九梧子大一

百丸 阿膠洋入酒下之下 膿血為度可止

青皮當歸湯治便瘕 李先生方

青皮 防風 歸 甘草稍 空心煎服

桃仁承氣湯治便瘕 張先生方

驗便毒方 葫芦巴末服 川練灰亦好

附骨疽方 黃蘗 青皮行 桂枝加冬 芩夏加

牛膝加虛 甘草 姜汁 麻黃動加不 防風通經

去硝黃入生犀角浮萍末治骨疽

瘰狀多着 如堅硬不可移名石瘰 皮色不變名

肉瘰 如筋脉露結名筋瘰 赤脉交錯名血瘰

隨憂愁消長名氣瘰

瘤狀 隨氣凝結 有骨脂肉膿血之瘡

三十八乳癧

証乳房為陽明所經乳頭為厥陰所屬

因厚味濕熱之痰停蓄膈間與滯乳相搏而成

滯乳因兒口氣吹噓而成 有怒氣激其滯乳而成

凡病皆陽明經也淺者為癰深者為岩不治

治宜疏厥陰之滯清陽明之熱行汗血散腫結

方 石膏煨清 梓皮燒 瓜蒌子腫消 甘草節

行 白芷 蜂房 台芎 香附二味 青皮

疎厥 葛根 酒姜汁飲 又方 大黃 天花

粉 歸乙 甘草節已下 瓜蒌子 穿山甲

陳壁泥炒酒丸服

三十九瘰

因大抵食味之過鬱氣之積曰毒曰風曰熱皆此二端拓變引換須分虛實實者易治虛者可慮夫初

癸于少陽一經不守禁成疔及陽明蓋膽經至主
決斷有相火而且氣多血少 神効方牡蠣粉五
錢和鷄旦為膏貼之又用活石一兩肉桂五錢調
湯服之好

證外有蝦蟆瘟無核 瘰在陽明 結核按之 癭

或隱 勞擦結核連數箇耳邊 瘡等亦同

治宜瀉火散結虛則補元氣實在瀉陰火補則十全

散下則玉燭散化堅湯 升麻乙 葛根半 漏芦

足陽 牡丹皮三錢去 歸 地黃生熟各 連

翹乙 錢生 苳乙 錢護 芍收散 桂散結寒固

柴胡八錢全翹 黍粘消腫 羌活乙錢 防風 獨活各半
錢結 昆布軟堅 三稜削堅 廣木 參 朴腹脹加
 連 陳皮 木香氣不和 大黃便秘加
 大黃湯 大黃煨 皂角刺 甘草炙 煎服以射
 香瓜萎仁付之

法未破核者用火針針其上即用追毒膏點疔線頭
 內針孔中 又用杜牛膝搗付縛其上 一日一
 易 膿將盡又用生玄參地榆滑石寒水石大黃
 等末付縛其瘡 又用白厄菜墨草同縛其瘡以
 寒水石大黃硝龍骨木香栴柳末收口 後又用

竹茹亦能長肉白膏藥收後紅不退用北蠟蟻窠
 付如已潰久不收口湏用香付灯燒鉄銘烙其腐
 肉處盡後依前治之

治耳接耳邊項上生塊核 五倍子 香白芷 為末蜜調付

假鼠糞以黃泥炉煨 查樹葉汁付

去癰瘰毒 皂角子五兩 大黑豆乙兩 甘草乙兩 東

青葉汁乙升 右煮汁乾為度常食不過二料

四十癩癧

因治屬表因風挾熱痰通經微汗之下之不可 屬
 裏者因胃熱助乎少陰心火入于手太陰肺也故

紅點如斑生於皮毛之間耳白虎瀉心調胃承氣
從長而用之

四十一丹疹

因熱與痰 血熱也 夫斑豆疹丹皆惡毒血熱蘊
蓄于命門遇相火合起則發也 外有赤遊風天
蛇漢丹疹癰斑其狀不同因則一也

治張歸之少陽相火 如遇熱之時以通經辛涼解
之 如在寒之時以葛根升麻辛溫解之 如遇
瘡癰黑陷腹內喘滿者熱而氣虛也急以白虎解
之 熱加參參主喘也主之全以涼膈調之

消毒湯

升麻根

羌活

川芎

藁本

細辛

柴胡

升麻

葛根

芩

生酒

地黃

連

蘗

翹

紅花

蘇木

當歸

白朮

蒼朮

吳茱

萸

陳皮

甘草

防風

又方

紫草

紅花

子

芍藥

胡荽

歸

付方

剪刀草汁

調原

吞砂付之

龍腦方

治斑瘡

倒厭面

猪心血調腦子成膏以紫茸湯化無腦用辰砂

四十二金瘡

附油火刀犬等傷

脉至瘡出血太多脉細沈者生浮數實大者死

治沒藥散治刀箭傷止血住痛 定粉風化灰

各乙

白礬 叁錢 枯 乳香 半錢 另研 沒藥 一字即二分半一 銅錢有四字故也

聖愈湯治出血太多 四物湯 參 芪 煎服

金瘡刀傷見血方 降真香末細貼之 石灰和人

血作餅旋乾貼之 火燒 大黃 煨 石膏 細研 桐油

二分 水 一分 拌 抹上 又淹灰搽付亦良

救苦散 治熱油刀斧傷火傷犬咬 寒水石 油調 塗上

四十三傾仆

脉傾仆內有血腹脹滿脉堅强者生小弱者死

証瘀血為病或痰涎發于上

治同中風証惡血歸內留於肝經脇痛自汗 治宜破 血行經
張論墜墮便生心恙痰涎發於上也治宜涌之 凡

杖打閃胸疼痛皆血滯証可下之忍痛則傷血

神應散 治瘀血大便不通 大黃 酒浸 乙兩 桃仁

紅花 二錢 歸 三錢 瓜蒌根 二錢 川山甲 二錢 炮 柴

胡經引 麝透 熱酒下

紫金丹治骨節折傷疼痛 川烏 炮 草烏 炮 各 乙兩

五靈 半錢 木鱉子 去殼 黑牽牛 各半 兩 威靈仙

骨碎補 金毛狗脊 射香 沒藥 紅娘子 各 二

半錢 地龍 烏藥 青皮 陳皮 茴香 各半 錢

防風 自然銅燒淬四 禹餘糧四 醋糊丸

梧子大每十九酒下

三聖散吐之治痰壅

四十四百藥中傷

脉浮澁而疾者生 微細者死 洪大而遲者亦生

治法在上者治之 解毒丸治食毒物救人於必死

板藍根乾四兩 貫衆乙兩去土 青代 甘草 蜜丸

青黛良

秘傳方 續隨子 甘草 五味子 茶清下一二

四十五癲狂附癩

脉大堅疾者癲病 脉大滑者自己 脉小急實者

死 循衣縫者死 虛而弦急者死 脉虛弦為

驚 脉沉數為痰熱

因痰火驚 血氣者身之神也神既衰乏邪因而入

夫血氣俱虛痰客中焦妨礙不得運用以致十二

官各失其職神聽言動皆有虛妄宜吐之而安

肺入火為譫語肺主諸氣為氣所鼓舞火傳於肝

為之尋衣撮空胃中大實熱薰于心肺亦能譫語

宜降火之藥 驚其神血不得寧也積痰鬱熱隨

動而迷亂心神無主有似邪鬼可先吐之後以安

神丸主之 佐以平肝之藥膽主驚故也

證狂言譫語鄭聲辨 狂者開目與人語 所未嘗

見之事為狂也 譫語者合目自言日用常行之

事為譫也 鄭聲者身動無力不相接續造寓出

于喉中為鄭聲也 又蓄血証則重復語之

治痰者吐之三聖散 火者下之承氣湯 驚者乎

之安神丸

方總治 連

辰砂

二味 降火

瓜蒌

星 半夏

三味 行痰

青黛

柴胡

川芎

三味 平肝

桃仁承氣湯治熱入血室發狂

犀角地黄湯

治痰血狂妄因汗不徹吐衄不盡痰

血在內面黃唇白便黑脚弱氣喘甚則狂悶 犀

角

乙 兩

生地黄

八 兩

芍藥

三 兩

牡丹皮

大黃

二 兩

脉大遲腹不滿為無熱減之煎服

洪長伏三脉諸癩發狂以局妙香丸以針透眼子冷

水浸服之

弦細緩三脉諸癩李和尚五生丸

治癩方 黃丹 白礬 等分 研細用楊樹火煨

過曲丸

又治癩

川芎

二 兩

防風

乙 兩

猪牙皂角

鬱金

各 乙

兩 明礬 乙 黃赤脚蜈蚣各乙條 細末蒸餅

九梧子大空心茶清下十五丸

四十六驚悸

脉寸口脉動而弱動為驚弱為悸 跌陽脉微而浮

浮為胃氣虛微則不能食 此恐懼之脉憂迫所作也 寸口脉緊跌陽脉浮

胃氣則虛是以悸 肝脉驚暴所驚駭

証悸有三驚悸忪悸痰飲閉於中脘 其証短氣自

汗四肢浮腫飲食無味心虛煩悶坐卧不安 悸

心築然而動

治因血虛 肝主血無血 養則不盛 易驚心神忡乱氣與涎結

遂使驚悸血虛治宜硃砂安神丸 氣涎相結宜

温膽湯在心膽經 小兒驚搐涎潮如死乃母胎

時受怖為腹中積熱可墜之涎鎮火清心等是也

悸因失志氣鬱涎聚在心脾經治宜定志丸 失志者或

事不如意 久思所爰 少陰心悸乃邪入於腎水乘心惟腎

欺心火懼水也治在於木以茯苓導其温四逆散

調之枳實柴胡為藥甘草是也與驚悸不同名亦

謂之悸故書以別之

癸搖痰飲為証脉必弦濇皆用下之

外有肝痺心肺瘧心虛寒皆驚

硃砂安神丸治血虛驚悸 硃砂一兩 連乙錢二分

歸錢半 甘草錢半 生地黄錢三 炊餅丸

溫膽湯 治心膽性易驚 半夏 竹茹 枳實二兩

茯苓乙兩 陳皮三兩 甘草乙兩

寒水石散 治因驚心氣不行鬱而生痰結為飲

寒水石煨 滑石水飛各乙兩 甘草乙兩 龍腦許少

熱則水下寒姜下

四十七疝癩

脈寸口弦緊為寒疝 弦則衝氣不行衛氣不行 則惡寒緊則不欲食 寸

口遲緩 遲則為寒 緩為氣之 脈沈緊豁大者為

虛 脈滑為疝 急為疝 搏為疝 見於何部

而知其何臟

因証蓋金在肝經因溫熱在經抑遏至久又盛外寒

溫被鬱而作痛或大勞則火起于筋醉飽則火起

于胃 房則火起于腎 大怒則火起于本經

火鬱之甚溫熱便盛濁液凝聚并入血墜流於肝

經為寒所束宜其痛甚 因痰飲積流入厥陰聚

結成核 因痰結其本經 因虛而感或內火外

寒鬱之肝經與衝任督所會聚於陰器傷於寒則

陰縮入傷於熱則縱挺 不收屬木性速急火性暴而痛亦暴矣

張論七疝

寒疝因温地雨水風冷處使內過多其狀囊結硬
 如石陰莖不舉或控睪丸而痛宜以温劑下之久而無子
 水疝因醉過內汗出遇風温之氣聚于囊中其狀
 腎囊腫痛如水晶或痒搔出黃水小腹或按之作水声陰汗治宜逐水
 筋疝因房勞及邪術所使陰莖腫或潰膿或痛而
 裏急筋速縮或挺不收或白物如精或莖痛之極則痒宜降火下之
 血疝因使內氣血流溢滲入睪囊留而不去結成
 瘻膿多血狀如黃瓜在小腹兩旁橫骨約中俗云便瘻治宜和血
 氣疝因號哭忿怒氣鬱而脹笑怒罷則散其狀上

連腎區下及陰囊

宜以散氣茶下之小兒有此因父精怯故不治

狐疝與氣疝大同小異狀如仰瓦卧則入小腹行

之則出入囊中宜逐氣流經之劑下之

癰疝因氣地卑湿江淮間所生其狀如升斗不痒

不痛宜去湿之藥下之女子陰戶突出雖出類乃熱不禁固也

三因有四癰

腸癰因房室過度元臟虛冷腸邊管系不收墜入
 癰中上下無定此難治也

氣癰因七情臟氣不墜陰癰腫脹急痛易治之

小癰因温氣得之則腫脹其陰易治也

卵癩因勞役坐馬致卵核腫脹或偏有大小上下無

常此難治也外有婦人陰門挺出亦名癩病

丁香練實丸治疝已下歸酒制附炮去川練

茴香 已上各乙兩 剉好酒三升同煮酒盡焙

乾作末入下藥 丁香 木香各半全蝎十三

玄胡索錢五右同為末酒糊九至百九溫酒下每服三十

參朮湯治虛疝氣豁大參朮 梔子 香附

倉卒散治寒疝入腹卒痛小腸膀胱氣絞腹冷重如

石 白汗 山梔四十九箇附子炮不酒煎二

錢 又一方 烏代附

神應散治諸疝心腹絞痛不忍此方能散氣開結

玄胡索 胡椒 或加茴香 酒煎二錢

牡丹丸治寒疝心腹刺痛及血 川烏炮去牡丹

皮四桃仁炒去桂各五青皮 蜜丸酒下

桃仁湯治癩出 桃仁法如茱萸 桂枝 蒺藜

青皮 茯苓 楨榔 木香 海藻 枳殼 三

稜 菝葜任意

張用導水禹功猪腎通經等散下之

秘方治諸疝 枳實治山梔 茱萸 橘子 山

查去核桃仁瘀血川烏劫痛桂枝不定

荔枝核温則加之 青皮

守丸治癩要藥不痛 蒼朮 星 半夏 白芷散水

川芎 枳實 山查

應痛丸治敗精惡物不出結成疔痛不忍

阿魏二兩醋和蕎麥 栝柳大者二箇刮空的乳香蒡盛時刮下未用

餅蕎麥拌作 右細末入硃砂錢乙 赤芍乙 同為

麵糊搜和丸如梧子大塩酒下

雄黃散治陰腫大如斗核痛不治 雄黃乙 礬二

甘草兩半 煎洗 天蘿筋 燒灰治疔

四十八脚氣

脉浮弦者風 濡弱者濕 洪數者熱 遲澁者寒

微滑者虛 牢堅者實 結則因氣 緊則因怒

細則因悲 入心則恍惚妄謬 嘔吐食不入眠不

安 左寸脉乍大乍少無死 入腎則腰脚俱腫

小便不通呻吟目額皆黑衝胸而喘左尺脉絕死者

因濕之病南方之人自外而感北方之人自內而致

南方之人當風取涼醉房久坐濕地或履風濕毒

氣血氣虛弱邪氣併行虛腠邪氣盛正氣少故血

氣澁澁則脾虛則弱病發熱 四肢酸痛煩悶者

因暑月冷濕得之四肢結將弱者因寒月冷濕得

之 北方之疾因漚酪醇酒之濕熱下注積久而
成腫滿痠痛也治宜下藥泄越其邪

証治因病脛腫小腹不仁頭痛煩心痰壅吐逆時寒
熱便溲不通甚者攻心而熱迫治之不可後也

此壅之痰壅未成當宜通之調以黃蘗蒼朮濕類
佳也 壅既當砭惡血而後以藥治之攻心脚氣
乃血虛而有濕熱也 治宜四物以加藥筋動轉
而痛者乃血受實熱也 治加桃仁芩連

有痰流注加竹瀝姜汁南星是也

李曰濕淫所勝治以苦溫以苦辛癸之透關節勝濕

為佐以苦寒泄之流濕清

熱為臣故主當歸
拈痛湯一方治之

中脚膝論自內喜怒憂思寒熱邪毒之氣注於肺膝

狀論諸風謂之脚氣也自外風寒暑濕皆有不正

之氣中於肺膝謂之脚氣也實者利之虛者益之

六淫隨六法以癸之七情隨六氣以散之

三因論乃風寒暑毒氣襲之也風則脉浮寒則脉緊

濕則脉細表則脉浮裏則脉沉風則痛濕則重暑

則煩風則行隨其所中經絡而治之

太陽經則頭項腰脊皆痛六淫中之論同前宜以麻

黃佐經湯 麻黃 乾葛 細辛 白朮 茯苓

防已 防風 羌活 桂 甘草

陽明則寒熱呻欠鼻乾腹脹膝脾賽中循外皆痛六

淫亦然 宜大黃左金湯 大黃 細辛 茯苓

防已 羌活 黃芩 前胡 枳殼 朴 杏仁

少陽則口苦脇痛面垢體元膏澤頭目領 允痛六

淫亦同宜半夏左經湯 半夏 乾葛 細辛

白朮 茯苓 桂 防風 柴胡 麥門冬 芩

三陽合病寒熱關節重疼手足拘挛冷痺緩緩氣嘔

吐下利脉必浮弦緊數合前三方以發之

太陰腹滿咽連舌急胸膈痞滿骨節煩疼四肢拘急

浮腫宜六物附湯

附 炮

桂 各四

甘草 二

茯苓

三

防已

四

木

三

少陰上氣喘急 小腹不仁 腰脊足心膈脘皆痛

六淫亦然宜八味丸 牡丹皮 澤瀉 茯苓

附 桂 山茱萸 山藥 熟地黄

厥陰脇腰偏疼陰氣抵小腹夾脗諸處脹痛一如中

風宜神應養真丹 歸 天麻 川芎 羌活

熟地黄 木瓜 芍藥

三因元併藏府不同故也

當歸拈痛湯治濕熱肢節煩痛肩背沉重胸膈不

利身痛胛腫 羌活 甘草炙 芩 酒 茵陳葉
酒 各半 炒 歸 兩 各半 參 苦參 酒 升麻 葛 蒼木
錢 各二 知母 洗 酒 防風 澤瀉 錢 各三 猪苓 木
煎服 錢 各半

羌活導滯湯治前証便溺阻膈先以藥導之服前方
及治此方 羌活 獨活 各半 防已 三 錢 大黃

除濕丹治諸濕 枳實 三 錢 炒 赤芍 威靈仙
乙 兩 歸 三 錢 枳實 三 錢 炒 乳香 另 沒藥 各半 黑牽

澤瀉 葶藶 各 乙 兩 乳香 另 沒藥 各半 黑牽
牛 錢 炒 三 大戟 兩 炒 乙 陳皮 兩 二

脚氣方治濕熱 生地黄 藥 炒 酒 蒼木 酒 鹽 木

防已 川芎 枳榔 犀角 甘草 木通 連

芩 二 味 熱 則 加 之 竹瀝 姜汁 二 味 痰 加 之 石膏 熱 時 加 之

兆仁 便 實 加 之 牛膝 溺 澁 加 之 石膏 熱 時 加 之

食積流注方 蒼木 藥 防已 南星 川芎

白芷 犀角 枳榔 牛膝 龜版 血 虛 加 之

血積轉筋方 見論 治攻心脚氣

阮氏方治膝痛脚骨熱或赤腫行步難 蒼木 四 兩 浸

一日 夜 鹽 炒 藥 四 兩 酒 浸 一 日 夜 炙 焦 吹 咀 服

四十九虫 狐惑

脉匿虫蝕陰疰 脉虛小者生 急緊者死

因證濕熱之生臟府虛則侵蝕 腹內熱腸胃虛虫
行求食 上唇有瘡曰惑虫食其臟下有瘡曰狐
虫食其疰亦有口瘡非狐惑也

治集効方 木香 鶴虱炒 栝榔 訶子煨 蕪

萸炒 附皮去 乾姜各七錢 大黃乙兩 烏梅

加減 連 藥 右蜜丸陳皮湯醋湯任下

化虫丸

虫即化水 硫黃乙兩 木香兩半 蜜陀僧三錢 附

乙箇 炮 右先附末醋乙升熬膏入藥和丸菜豆大

荆芥茶清下二十九

秘方治吐虫 黑錫炒成 栝榔末 茶飲下 又

方 川椒 酒糊丸治虫 又方 鷄子炒 白

蠟塵治寸白虫 酒糊丸 瀉心湯治惑 善參

湯洗之治狐

五十喉痺

因熱內結雖有蛾閉木舌纏喉走馬八名火則一也
論咽與喉會厭與舌同在一門而用各異喉以候
氣故通于天咽以納食故通于地會厭管乎其上
以司開闔掩其咽其食下不掩之其喉錯必舌抵

上齟則會厭能閉其咽矣四相相交為用缺一則
飲食廢而死矣及其為病皆火也夫手少陰君火
心主之脉手少陽相火三焦之脉二火皆主脉並
絡于喉氣熱則內結結甚則腫脹腫脹甚則脾甚
脾甚則不通而死矣 至如噤乾痛咽頷腫舌本
強皆君火之為也唯喉脾急速相火之為也
證嘔噎物之處咽腫則不能嚥或嘔吐咯傷或多飲
啖痰熱皆致咽系乾枯也喉聲音出入之處藏熱
則腫其發暴腫閉塞或心虛寒有懸癭生在上齟
俗名鵝也咳而聲嘶喉破也俗名聲散

治法微以鹹突之甚以辛散之痰結以吐之苦則破
出血之人火以涼治之龍火以火逐之涼劑以熱
服之是也宜刺少商出血

秘方朴硝 牙硝各研 青魚膽

右以膽放二硝上乾方研為末 竹管吹入喉中痰出則愈

五匙散治風熱喉痺及纏喉風 朴硝 乙酉半 朋砂

半 腦子 三錢 僵蚕 乙錢 以竹管吹末入喉中

神效散治熱腫語聲不出 荆芥穗 另 蓖麻 生去皮另

乙研各 蜜丸皂子大嚼含化 雄黃解毒丸 治

纏喉風及喉痺倒仆失音牙關緊急不省人事

雄黃乙錢

欬金乙錢

巴豆去皮油十四箇

醋糊丸菴豆大熱茶清下九吐則止

蜜附子治腑寒咽門閉不能嚥大附去皮切大

片蜜塗灸黃含嚥津龍膽礬包烏梅肉納以綿

裹含龍火拔毒散治纏喉急証先以針出血為

上策後以丹付起石煨伏龍肝各二錢新水

掃之又方白瑞香花根研水灌之

秘方治痰其証皆因痰也以鵝毛刷桐油探吐之

皂莢灰亦可吐疆蚕研姜服亦可生艾汁可

五十一口

因証脾熱則甘膽熱則苦口苦亦有肝虛寒者

治三黃丸治甘柴胡湯治口苦及謀慮不決

柴胡湯加麥門冬酸棗仁地骨皮遠志

五十二舌

脉心脉係舌根脾脉係舌旁肝脉絡舌本

因証因風寒所中則舌卷縮而不言七情所鬱則

舌腫滿不得息肝壅則血上湧心熱則裂而

瘡脾熱則滑胎是虛熱心經虛飛揚上竅脾

閉則白胎如雪脾熱則舌強舌卷而印縮者

厥陰絕也死

治金沸草散治風寒傷心脾令人寒熱齒浮舌腫

荆芥四兩 旋復花 前胡 麻黃三兩 甘草半兩

升麻柴胡湯治心脾虛熱上攻舌上生瘡舌本強兩頰腫痛

升麻 柴胡 芍藥 梔子 木通兩乙 杏子

大青 芩錢三 石膏兩煨二 舌腫破 鍋底煤即

鍋底烟醋益付 出血如泉 五倍子 白膠香

牡礪 糝 白胎語澁 薄荷汁 蜜白姜片楷付之

五十三目

因風熱血少經日得血而能視肝血不上榮也 神勞目者神氣之主勞則
鬼散不相得 腎虛 証治在腑則為表當除風散熱

在臟則為裏宜養血安神 如暴失明昏澁翳膜

眵淚班入眼皆表也風熱也宜發去以去之 如

昏弱不欲視物內障見黑包瞳散皆裏也血少神

勞腎虛也宜養血補水安神以調之 班入眼此

肝氣盛而發在表 瞳子散大皆辛熱之為也辛

主散熱乘之當除風熱涼血益血以收耗散之氣

以芩連苦寒除邪氣之盛為君 歸身地黃養血

涼為臣 五味酸寒体浮收瞳散地骨皮天門冬

瀉熱補氣 凡目暴赤腫以防風黃芩為君以瀉

火黃連當歸為佐以和血 凡目疾暴赤腫以防

風羗活柴胡升麻白芷芩連甘草當歸白睛紅加
白豆蔻少許 凡目久病昏闇以熟地黄歸根為
君以羗活防風甘菊之類雜佐之

撥雲湯 羗活 防風半錢 藁本 川芎 荆芥

兩乙 葛根 細辛 柴胡 升麻半錢 知母 歸

身 川藥 甘草乙錢 芪乙錢

內障是脾虛火盛上加下藥 參 五味 芍藥

白茯苓 朮 濕熱加下藥 連 芩 生地黄

睛痛加歸地黄 胸中不利加槐子 冰翳加矜

角 睛秘加大黃 百點膏 黃連水一大碗煎

至半 加歸六錢 防風八錢 蕤仁去皮尖三錢

右熬滴水不散加蜜少許點之 蔓荆 椒眼

地黄 甘草 荆芥 麻黃 升麻 隨所長加之

春雪膏 點眼 朴硝置主腐上蒸待流下尾器按之

地黄丸治不能遠視近視此除大風熱 生地黄

天門冬各四兩 枳殼炒二兩 甘菊花二兩 蜜丸茶酒任下

局方定志丸治不能近視反能遠視 參 遠志

菖蒲 白茯苓 蜜丸 瀉青丸治風熱 熟乾

地黄丸治血少安神 駐景丸 補腎水 車前

子 熟地黄各三兩 鬼絲子五兩 槐子散 治体

肥氣盛風熱上行目昏澁 槐子 芥 木賊

蒼朮 末之茶下 桂梗九治太陽衛虛血實瞳

人腫痛眼黑肝風盛 桔梗^乙 牽牛頭末^三

蜜丸水下 神仙退雲九治一切翳^{暈內外障昏}

歸酒 芎^乙 犀角屑 枳實 連 蟬退

薄荷 瓜蒌根^六 甘菊 蛇退 密蒙化 荆

芥^{煎與甘草} 地骨皮^三 白蒺藜^炒 羌活

乾地黄^乙 木賊^乙 白蒺藜^炒 羌活

右末煉蜜丸米飲下婦人歸下有氣木香湯下

家珍方治眼稍赤 連 白礬^三 銅蒙^半 蜜

陀僧^乙 輕粉少 末貼之 又方黃丹^{白礬}

驗方治痘後目上翳 芟精草 蛇殼 菘豆殼

天花粉 右等分末粟米泔浸煮蜜柿乾為度^食

羊肝九治一切目病不問障盲 白乳羊肝^乙 竹^具

膜 連^乙 甘菊花 防風 薄荷^去 荆芥

羌活 歸 芎^三 右為末羊肝搗丸漿水下

爛翳驗方 苗根燒灰點之灯草須臾大痛以百

節草削去之 七寶膏 玳瑁 珊瑚 乾石^三

瘰^{以連水} 石沙 腦子 麝 麝仁^{去各一錢}

五十四耳

因風熱氣虛火升 腎寄竅於耳

証治風毒耳痛 全蝎乙 生姜二 切作四方塊

全炒熟去姜末之湯點停耳膿出 桑螵蛸乙 灸

鼻二分半 另研 糝之又加染坏枯凡吹之良 虫入

耳中 麻油灌 有耳痛以茱萸烏大三味合用 尖黃血湧泉

又猫尿灌耳内好

五十五鼻

因証鼻為肺之竅因心肺上病而不利也有寒有熱

寒邪傷於皮毛氣不利而壅寒 熱壅清道 酒

鼓鼻乃血熱入肺 鼈鼻息肉乃肺氣盛 臍淵

臍移熱於腦則辛頓鼻淵

治寒邪傷者宜先散寒邪後補衛氣使心肺之氣通

離澤通氣湯 羌活 獨活 防風 升麻 葛根

各三錢 川椒乙 蒼木 甘草三 芪四 白

芷乙 連 藥 酒鼓鼻 四物湯 芩酒 紅

花 水煎服 又方 乳香 硫黃 蘿蔔內

輕粉 烏頭尖 酥調付 又方 鴨嘴膽凡付

鼈鼻息肉 枯凡研為面脂綿裹塞鼻數日自消

又方 瓜蒂末綿裹塞亦可 木通 細辛

附子炮 蜜和綿裹肉鼻中亦可

防風通聖散加好三棱山茱萸肉海藻並用酒浸炒末每乙錢半

臍淵薄荷連二錢通聖散乙孩兒茶服

五十六齒

因証夫齒乃腎之標骨之餘上齧隸於坤土足陽明陽明之貫絡也下齧隸於手陽明大腸之貫絡也手陽明惡寒飲而喜熱足陽明喜寒飲而惡熱腎衰則豁腎固則堅大腸壅齒乃為之浮大腸虛齒為之宣露熱甚則齒動齧脫作痛不已寒邪風邪客于腦則腦痛項筋急袒露疼痛虫餌則缺少而色變痒痛

治羗活散 麻黃去根 羗活乙錢 防風三錢

細辛半錢 升麻 柴胡半錢 歸 蒼木半錢 白芷

桂枝 連 骨灰三錢 右先以湯嗽口淨之

牙疼方 土茯苓半兩 青鹽三錢 漿水二椀煎至熱

服 又方 烏頭 熟艾多 葱三株 川椒十粒

右濃煎嗽有膿痰出之安

治舌散氣 草蓐揅末 木鱉肉 右同研搗鼻

治風氣走疰痛 藁本 剪草 細辛 熱嗽

治骨槽風 皂角不艸去子 杏仁乙極在元子位燒存性 每兩

入青鹽乙錢指用 治風艸牙 以北棗乙枚去核

入巴豆二粒合成文武

火炙如炭放地上良久研細以紙燃入罅孔十次

五十七結燥

因火邪伏于血中耗散真陰津液虧少夫腎主大便腎主之津液液潤則大便如常証小腸移熱於大腸為必瘦為沈 必瘦是便澀閉也

脉治熱燥 有云 脾脉沈數下連於尺臟中有熱

亦有吐瀉後腸胃虛服熱燥藥多者宜承氣下之

風燥 有云 右尺浮也 內肺受風 傳入腸中宜麻仁丸

陽結

陰結陰燥欲坐井中二腎脉按之必虛或沈細而遲

者是也 如有陰証煩燥脉堅實陽藥中亦少加苦寒以去熱燥

年老氣弱津液不足而結 有產婦內亡津液而結

並宜地黃丸 大便閉小便澀數謂之脾約約者

脾血耗燥肺金受火無所攝脾津液故竭理宜養

血潤燥 有產婦便秘脉沉細服藥知母附子 而愈

外有脚氣虛寒氣實皆相似亦大便不通

緊惡燥急食辛以調之結者散之如少陰不得大

便以辛潤之太陰不得大便以苦瀉之如食傷腹

滿腹響是也陽結者散之陰結者熱之

潤腸丸 麻仁 桃仁去皮尖 羌活 歸尾 大

黃煨各半兩 除二仁別研餘味共搗已上火枯蜜丸

梧子大湯下 如不大便邪氣盛急加大黃酒制

血燥而大便乾燥加桃仁大黃酒 如風結燥大

便不行加麻仁大黃 如風瀉加皂角仁秦芫大

黃 如脉瀉身尙有短氣加郁李仁大黃 如陰

結寒証加乾姜附子

有云大便不通有五証熱冷氣 尺脉伏也宜溫補

之 風老人產婦 秘有虛實能飲食小便赤為

實實者秘物也麻仁七宣等主之見前 不能飲

食小便清為虛虛秘氣也厚朴湯主之 朴 夏

曲 甘草三兩 木五兩 枳實 陳皮乙兩

五十八痔漏

因証因虫就燥也乃木乘火勢而侮燥金歸於大腸

為病皆風熱燥濕為之也 蓋腸風痔漏總辭也

分之則異若破者則謂之漏大便秘澁必作大痛

此由風熱乘食飽不通氣逼大腸而作也受病者

燥氣也為病者胃濕也胃刑大腸則化燥化以乘

燥熱之實勝風附熱而來是風燥濕熱四氣而合

故大腸頭成塊濕也大痛者風也結燥者主病兼

受火邪也不通者熱也

治法以苦寒瀉火辛溫和血潤燥疎風止痛

秘方涼血為主

四君子 四物 芩 涼大 枳殼 腸大 槐角 涼血

升麻

秦艽 白朮 九 秦艽 去 皂角 燒存性去 木 半

歸尾 酒半 桃仁 去皮尖 地榆 破血 枳實

麩炒 澤瀉 各半 兩 滲濕 大黃

麵糊 九黃實大湯下百九空心服以膳壓之氣

滯加栝柳木香濕熱勝加藥

一云九痔漏蒼朮防風為君甘草芍藥為佐

蒼朮 澤瀉 九 蒼朮 四 枳子 澤瀉 各二 地

榆 皂角 飯丸 淋洗 天仙子 荊芥穗

川椒 蔓荊子 煎洗 秘方 五味子 朴硝

桑寄生 蓮房 先薰後洗 付腫 木蟹子

五味子 為末調付 腸風塞藥 芦甘石 煨便

牡礪粉 痔漏方 好臈茶 細末 腦子 同

研津調紙花貼上除根用後方 又方 白礬 枯

錢生 乳香 三 真香油同研為膏紙花貼

二錢 如便秘以實當歸湯下三黃丸

皂角散治痔漏脫肛 黃牛角腮一箇切 蛇退條一

皂角小五箇 川山甲一取七反 右並切入麊瓶泥固

濟候乾先以火燒烟出方以大火煨紅出冷研細

胡桃酒下臨卧引出虫五更却以酒下二錢

脉痔方 血自肛門遺另作竅 烏頭炮去皮尖 連各一兩

又方亦妙 荆芥 槐花 石菖蒲各乙 酒痔連

丸 連酒浸酒煮酒丸飲下 腐痔核 即為水

鴨砂煨 輕粉 芦甘石煨 右以朴硝淬洗辰

砂或加信煨付外四圍點核上 貼痔 麝香

腦 朱砂 研入山田螺內待成水抹頭不拘 遍敷以乾收為度

治酒痔下血不止 乾絲瓜乙枚連皮子燒存性

為末酒下二錢 痔血不止 檢漆根灰空心下

木槿散 治痔專封口能乾 木槿花八九月採陰乾

用葉杵付亦可 又方 當歸乙 連二 烏龜

乙箇酒煮 乾日乾 為末蜜丸皂子大

治脫肛方 理省藤 桑白皮 白凡 煎洗自收

因治玉莖挺長亦濕 熱 小柴加連有塊加青皮外用 胡湯絲瓜汁調五味子付

五十九婦人產胎

脉平而虛者乳子 陰搏陽別者妊子搏者近於下 別者出於上

血氣和調陽 少陰脉動甚者妊少陰心 尺中

按之不絕者妊 三部脉浮沈正等按之無絕者
妊 妊娠初時寸微小呼吸五至三月而尺脉數
脉滑疾重以手按之散者蓋三月也脉重手按之
不散但疾不滑者五月也 寸微關滑尺帶數流
利往來并雀啄是妊 左沈實疾大皆為男縱者
主双 右沈實疾大皆為女橫者主双 脉浮腹
痛痛引腰脊為欲生也 脉一呼三至曰離經沈
細而滑亦同尺脉轉急如切繩者皆便生也 妊
三月而渴脉反遲欲為水分復腹痛者必墮 妊
五月六月脉數必壞脉緊必胞漏脉遲必腹滿而

喘脉遲必水壞為腫 妊六七月脉弦發熱惡寒
其胎踰腹腹痛小腹如扇子臟閉故也當溫之以
附子 妊六七月暴下斗餘水心倚而墮 妊七
八月脉實大牢強弦者生沈細者死 妊十月足
身熱脉亂者吉 少陰脉浮而緊緊則疝瘕腹中
痛半產而墮傷浮則亡血絕產惡寒 脉微澁為
無子 脉弦大為無子血氣虛不足之故也 新
產脉沉小滑者生實大強急者死沈細附骨者生
炎疾不調死 新產因得熱病脉懸小四肢溫者
生寒清者死 新產因傷寒中風脉實大浮緩者

生小急者死 脉得浮緊當身痛不痛腹鳴者當
陰吹 寸口浮而弱 浮為虛弱無血 浮短氣弱有熱 跌陽浮而
濡 濡氣喘 濡有寒 少陰微而弱 微少血弱生風微弱相
胃氣不泄吹而正喧 此穀氣之寒也 膏髮導之 少陰滑而
數陰中必瘡 少陰脉弦白腸必挺核 少陰浮
而動 浮虛動 痛脫下
因証治 胎墜固虛而熱 轉胞乃血虛有痰 胎
滿逼胞致小便不利 溺出不知時因痰胎避而
下 因血氣不能升 四物加貝母滑石 痰加 二陳
惡阻因痰血相搏半夏湯主之 妊娠腹脹乃氣

不利而虛有熱 枳殼炒 白朮 芩
妊娠寒熱小柴胡 去半夏 胎痛乃血少 四
物 香附 紫蘇湯 安胎大妙 胎衣不下或
子死胎中或血衝上昏悶或暴下血胞乾不生
半夏 乙兩 半 桂 七錢 半 大黃 五錢 桃仁 三十箇 去皮尖
先服四物三兩次服煎湯姜煎不効 只服半夏 白飲九之
下死胎 肉桂 二錢 麝香 下同 又方 朴硝 半兩 童
便下 欲墮方 肉桂 乙兩 瓜蒌根 乙兩 二錢 牛膝
乙兩 瞿麥 兩半 蚕種紙一尺燒灰醋湯調服末不
孕產 難產乃敗血裹其子 麝 錢乙 塩豉 兩乙

青布裹燒令紅槌為末 秤鍾燒紅淬酒下乙錢
 百草霜 香白芷 伏龍肝用單 童便醋調下未
 下再服 貝母 白蔘 藜 活石 葵子 並治
 產後陰脫乃氣血下瀉 四物 蝟皮燒半 牡
 礪煨 芩二 或加升麻飲下 蛇床子布裹熨
 硫黃 烏賊骨 五味子 糝患處 產後血暈
 因暴虛 素有痰飲 痰血隨氣上攻 芎歸湯
 治暴虛 童便下治痰血 荆芥行瘀血 清寃散
 治虛 澤蘭葉 參乙 荆芥乙 川芎 歸半
 溫酒灌下 五靈脂 童便下 荆芥下 鹿角

灰 半夏茯苓湯治痰飲 牡丹散 牡丹皮
 大黃蒸 芒硝乙 冬朮半 桃仁二十 水
 煎服 浮腫是胎前宿有寒濕 茯苓 木 芍
 歸 陳鯉魚 如法 又名胎水俗為痲子重如
 腫滿狀 產後因敗血化水或血虛氣滯
 喘急因榮血暴渴衛氣無主獨聚於肺此名孤陽絕
 陰必死因敗血上薰於肺奪命丹主之因傷風寒
 者旋覆花湯主之 產後不語因敗血迷心竅
 產後口鼻黑氣起及衄因胃氣絕肺敗氣消血散
 亂入諸經却還不得死矣 子煩 二火為之病

則苦煩悶 麥門冬 茯苓 芩 防風 竹葉
心痛因宿寒搏血血凝其氣 五灵脂 蒲 下醋

子癰

漏阻 因事下血胎乾不動奔上搶心腹中急迫

返魂丹 達生散 天仙方

產婦臨月未誕者凡有病先以黃芩白朮安胎然
後用治病藥斃肌及肌熱者芩連黃芪人參腹痛
者白芍藥甘草感冒依解利 產後諸病忌用白
芍以黃芩柴胡主之 內惡物上衝胸脇痛者大
黃桃仁 血刺痛者當歸 內傷斃熱者黃連

渴者茯苓 一切諸病皆依前法惟渴者去半夏

喘咳去參 腹脹忌甘草 產後身熱血証一同

傷寒 若傷寒當有痛處脉弦而健宜解傷寒血

虛無疼脉弱而瀼宜補其血

六十帶下

脉因濕熱結于肺津液涌溢入小腸為赤入大腸為
白 然任脉自胞上過帶脉貫於臍上衝任督三
脉同起而異行一源而三歧皆絡帶脉統於篡戶
因餘經往來遺熱於帶脉之間熱者血也血積多
曰不流從全之化即為白淫治法同滋証以千棗

出功降火流濕之劑良矣 因痰積下流滲入膀胱肥人多有之 二陳湯加升提為主

証治三陽其氣俱欲竭血海將枯滑物下流其有一

切虛寒之証脉洪大而澁按之全無宜以溫養之

李先生立酒煮當歸丸治此証血虛多加四物氣

虛多加參朮滑甚者以龍骨赤石脂澁之

外有虫唇瘡亦淋露白汁 小胸丸治濕熱帶下

下之 苦練丸調之 苦練酒浸 茴香炒 歸分等

酒糊丸梧子大酒下 腰腿痛加四物四 羌活

防風兩乙 虛加參朮甘草或加芍藥 酒煮當歸

丸 治一切虛証上中下元氣俱竭噦嘔不止胃

虛之極脉洪大無力按之空虚或不鼓皆中寒之

証 歸兩乙 茴香兩半 黑附炮 良姜各七錢

右四味剉細以酒乙升半煮至酒尽焙乾炒黃鹽

丁香 苦練生 甘草炙各兩半 全蝎三錢 柴胡

二錢 升麻乙 木香乙 玄胡四錢 右九味同煎

酒煮四味俱末酒煮麵糊丸空心淡醋湯送下

因真丸治六不止 臍腹冷痛目中瀼火此皆寒濕

乘其飽内汗輕伏火 白石脂乙 乾姜炮 藥

白龍骨乙 二味以枯以濕 乾姜炮 藥

白龍骨乙 二味以枯以濕 乾姜炮 藥

半錢因用 柴胡 木經使 歸 乙錢和 白芍藥

引導 半錢 參 芪 虛甚 加之 右白石龍骨水飛研細外

餘同極細水煮麵丸鴉頭大日乾空心湯下以饈

壓之忌生冷油膩濕麵 血海將枯 加白葵花

七朶 郁李仁 潤燥而滋 不思飲食加五味子

衍義方 治白膿帶下此腸胃有膿也 去盡膿自

安 紅葵根 白芷 赤芍藥 白礬 蠶九米 飲下

治白帶白濁以黃荆子炒焦為末酒下

張用菝葜散吐寒痰升氣導水丸下濕熱甘露散調

之利濕熱燥 濕痰方 海石 半夏 南星 治痰

藥 治濕 蒼朮 濕燥 滑石 流濕 川芎 升 椿皮

香附調風牛膝風痛加之 刮熱方治瘦人 藥

火相 滑石 椿皮 川芎 連 性燥 滑者加龍

骨 加石脂 滯者加葵花 血虛加四物甚用

吐下吐用二陳加蒼朮下用白朮調治神祐丸

六十一經候

脈經脈不行者血生於心因憂愁思慮則傷心心氣

停結故血閉不行左寸沈結宜調心 氣通心經

使血生而自通 或因墮胎或產多其血先少而

後不通此為血枯脈兩尺弱小宜生血

因証血隨行結為塊日漸長宜改之 久癸盜汗致
血脉乾枯而經不通宜補血是肝出於心血生於
心血與汗出也 久患潮熱則血枯燥蓋血為熱
所消寒熱病則血自生 脾胃不和飲食則血不
生 血者飲食所化經云二陽之病發心脾女子
不月 血為氣引而行血之來而先有病皆氣之
患也來而後有病者皆血之虛也病出意外皆血之熱
治將來作痛乃氣實也 桃仁 紅花 香附 連
不及期者乃血熱也 四物 連 過期有二乃
血少與痰多也 血少 芎 歸 參 紫黑成

塊加連 痰多色淡也肥 二陳加蒼朮香附芎
閉而不行乃虛而熱 來而成塊乃氣之滯 錯
經妄行乃氣之亂

六十二崩漏

脉洪數而痰 漏血下赤白日下數升脉急疾者死

遲者生 緊大者死 虛小者生

因治熱 血熱則流 因虛虛則下溜 蓋陰虛陽搏謂

之崩由脾胃有虧下有陷於腎與相火相合濕熱
下迫脉洪而疾先見寒熱往來心煩不得眠 治
宜大補脾胃而升舉血氣 蓋心氣不足其火大

熾在於血脉之中致脾胃有虧火乘其中形容似
 不病者此心病也 治法同前微加鎮墜心火之
 藥補陰馮陽經自止矣 蓋腎心真陰虛不能鎮
 守包絡相火故血走而崩也是氣血俱虛為大寒
 之証輕手其脉數疾舉指弦緊或澁皆陽脫也陰
 火亦云或渴此皆陰燥宜溫之補之升之 脾胃
 者血氣之根本周榮滋身心者血之腑脉者人之
 神俱不足則生火故也 方升陽散火除濕 羌
 活 防風 升麻 柴胡 川芎 涼血瀉相火
 生地黄錢半 連 藥 芩 知母錢半 和血補

血 當歸酒洗 芪 胃口客寒當心痛加草豆
五錢 曲炒 氣短加參朮 冬寒加麻黃 桂枝 血氣
 俱脫大塞証加附子肉桂不止加阿膠艾葉或加
 丁香乾姜 四物加荆芥穗髮灰治血不止如神
 單味蒲黃炒黑亦妙 治標方急則治其標凡藥
 須妙黑見黑血則止 白芷湯調棕櫚灰 後用
 四物湯加姜調治 五靈脂末亦可 凌霄花末
 酒下 治本方 四物湯 連熱則 參 芪虛
 乾姜寒 芩熱 胎漏方 血虛有熱 地黄生
 一半熟 白朮乙 枳殼 芩各半 煎湯調下地
 一半 枳殼 芩各半 煎湯調黃末

六十三小兒証

脉八至者平 九至者傷 十至者困 緊為風癩
沈為乳不消 弦急客忤氣 沉而數者骨間有
熱 脉小大便赤青滄泄手足溫者生寒者難已
証有四曰驚疳吐瀉 病其頭毛皆上逆者死 汗
出如珠着身不者死 因治有二曰飽煖 小兒
十六歲前稟純陽氣為熱多也 小兒腸胃常脆
飽食難化食則生積為痰 肝只有餘腎尚不足
肝病亦多也 張皆歸之濕熱常以牽牛大黃木
通為丸以治諸病 驚因熱痰主急當瀉降火痰

丸養血湯下 因脾虛主慢用補朱砂安神丸參

木湯下 疳因土熱也 連去熱炒 胡黃連去果

子積 阿魏去肉積 神曲各乙 九如米大

半錢 啾因肝熱 連姜汁炒 甘草 竹葉 煎服

吐瀉脾虛 斑疹是火 與前丹參條下同

夫惡血留於命門伏于一隅待氣虛血虛脾損相
火生焉二火交熾煎熬太陽其証呵欠寒熱噴嚏
足稍冷眩驚俱屬少陽相火少陰君火顯証自吐
吐瀉者邪出也即吉宜消毒解火大便不利當微
利之身溫者順 身涼者逆

痘同疹論切忌熱藥

宜分氣血虛則補之 氣虛四君子 血虛四物

吐瀉少食為裏虛陷白倒厥面 灰白為表虛

不吐瀉能食為實宜解毒芩連等是也實則更補

必結癰膿也 解毒方 絲瓜 升麻 芍藥 酒

甘草 糖黍 黑豆 犀角 朱砂 單用絲瓜 灸湯亦可

血痢三黃湯

食積痢 曲炒 蒼朮 芍藥 芩 木 甘草

陳皮 茯苓 下保和丸 治小兒 胡黃連

連 蕪荑 山查 曲 青陳皮 芦薈為丸

急慢驚風 一顆辰砂 蝎一枚 生人血快 研將來

六十四雜治

濕熱相火病多土火病多 氣常有餘血常不足

肥人血多濕多 瘦人氣實熱多 白者肺氣弱

血不足 黑者腎氣餘忌黃芪 熱傷血不能養

筋故為拘挛 濕傷筋不能束骨故為痿弱弱

氣屬陽無寒之理下用補相間 勞病忌寒藥此

東垣之旨也 寒不得熱是無火也熱不得寒是

無水也 肺癰非吐不可 辛苦飢飽疼痛皆傷

血 服藥之力峻須用酸收 指甲捲是血少不

養筋身如被打濕傷血也亦有血虛而痛 臍病
責藏用藏病責腑用 氣血弱遠枳殼以其損氣
之血盛忌丁香以其益氣也 治病之調氣 病
分氣血陰陽 晝增夜靜是陽氣病而血不病
夜增晝靜是陰血病而氣不病 夜靜日惡寒是
陰上溢於陽 日夜並惡夜是陰部大盛兼有其
陽當瀉其寒峻補其陽夜靜日熱是陽盛於本部
日靜夜惡寒是陰自主於本部日安夜燥煩是陰
氣下溜於陰中當瀉其陽峻補其陰 日惡寒夜
煩燥為陰陽交飲食不入必死 傷寒中暑與傷

飲食一般 人火正治龍火及 治諸病有鬱治
之可開惡心有熱有痰有虛 悲火乘金 陽絕
則陰虧陰氣若盛陽無暴絕之理 虛勞不受補
者死 諸病能發熱風寒暑濕燥火七情皆能發
熱 寒濕同性火燥同途非也寒宜溫之濕宜燥
之火宜降之涼之燥宜潤之 諸病尋痰火痰火
生異証 診脈觀形察証三者殊途不可執一
諸病先觀胃氣

六十五雜治

惡寒有濕痰積中脈沈緩抑遏陽氣不得外泄身必

惡寒宜江茶入香油姜汁吐其痰以通經去麻硝
黃加歸地黃伏脉有熱甚而血虛亦惡寒脉沈而
濇宜四物倍地黃木苾藥參甘草

戰慄 有熱

一陽一陽發病少氣善咳善泄其傳為心掣掣動也子

母傳 故泄 理中主之勞氣法在肺下使人強上真視

勞生熱 唾出若涕感風 惡風而振寒肺主皮毛

宜通經散加半夏歸 痺氣乃陰氣盛而血不榮

故身寒如水中皆虛寒之証宜姜附 五虛五實

脉盛 脉細 心皮熱 肺氣少泄利前後 腎敞目悶 飲食不

入 肝為五實 脾為五虛

陰滯於陽 有作勞而冷 飲酒醉次日膈痛似飢

過飽遂成左脇痛有塊脉細澁沈數服韭汁桃仁

童便等安 又有如前左乳痛有核服石膏 白

芷 乾葛 瓜蒌 蜂房等

陽滯於陰有事不如意 衄如注脉浮數重而大且

乾 四物加萱草姜汁飲之 有逃難飲酒下血

脉沈濇似數以藟金芎芷蒼芍葛香附 右腎屬

火補之以巴豆杜仲之類 左腎屬水補之以地

黃山茱萸黃蘗之類

六十六五臟証

肝胃脘當心而痛上支兩脇經肝膈咽不通飲食不

下土衰甚則耳鳴眩轉目不識人善暴僵仆裏

急綆戾脇痛嘔泄令人善怒也虛則目無所見耳

無所聞善恐如人將捕之心胸中熱噉右肱滿

皮膚痛寒熱咳喘驚或狂妄一切血証胸中痛脇

支滿膺背肩脾間痛虛則胸腹大脇下與腰背相

引而痛脾肺腫骨痛陰痺腰脊頭項痛大便難

積飲痞膈霍亂吐下飧泄腸鳴脾熱之生虛肺

骨節內變左肢脇痛寒侵于中驚澹心脇滿引小

腹不可反側噉乾面塵脫色丈夫癩疝婦人小腹

痛實則欬逆肩背痛虛則少氣不能報息耳聾咽

乾腎腰腿痛大關節不利屈身不便腹滿痞堅

寐汁實則腹脛腫身重虛則胸中滿大小腹痛清

六十七七情證

怒為嘔血飧泄煎厥薄厥胸滿脇痛食則氣逆而不

下為喘渴煩心為消脾肥氣身薄育耳暴暴閉筋

緩怒傷肝為氣逆悲治怒

喜為哭毛革焦湯氣不收甚則狂喜傷心為氣緩

悲為陰縮筋挛肌痺脉痿男為數洩女為血崩酸鼻

辛頰泣則臂麻 悲傷肺為氣消喜治悲

驚為痰涎目震吐痴癩不省人事 驚傷為氣亂 習治驚

勞為咽噎喘促嗽血唾血腰重痛骨痿男少精女不

月 勞傷血氣耗逸治勞 思為不眠好卧昏瞶

三焦痞塞咽喉不利嘔苦筋痿白淫不嗜飲食思

傷脾為氣結怒治思 恐傷腎為氣不行思治恐

六十八雜脉

寸口脉但實者心勞 寸口脉沈胸中氣短 浮而

絕者氣辟大而滑中有短氣 數而不加六至者

為滑 微弱者少氣 尺脉沉滑者寸白虫男女皆當

以左 尺脉常弱 右手尺脉常盛為平陽盛陰

虛下之安 虛而大尺短少也如尺脉弱寸強而

陰不足陽往乘之下 脉俱弦指下又虛脾胃

安汗之死餘以類推之 脉俱沈緊按之不鼓

虛弱證 痛食少而渴痞腹中 脉俱沈緊按之不鼓

膀胱勝小腸也 或瀉利不止而腹脹或純白赤或

色此失血之故 或面黃而氣短此元氣損小之故

是丙火小腸為 壬大腸所克而外走也 火投於

水大寒之証 姜附 赤石脂 朱砂

宜溫之則愈 研 扶苓湯下二三十九丸 脉諸搏

脉諸按之不鼓為虛寒 二寸短少謂之陽 脉二手相似

手為寒涼或寒藥治之 二尺脉虛 亦姜附湯

而右為甚皆胃氣虛二寸求之不足求之脾胃當從陰引陽 脉中

少有力盛勝則似止胸中元氣不及脉則有神神者

不問遲數之病中外 脉諸短為虛 二關脉實

則有力者為神也 上不至發汗下不至利大便 脉諸大為虛二關

脉沈細純虛也宜補之 脉濇與弦而大按之有

力為實無力為虛 脉沈遲寸微滑者為實 二

尺不見或短少乃食塞當吐之

凡脉盛大以濇外有寒証名寒中乃寒獨番血脉泣故大也 脉

大而實不可益氣滑脉關以上見為大熱關以下

見為大寒小併于上以丙火化 併于下以壬水化 雜病脉沈者

多屬痰宜吐 傷寒寸脉浮滑者有痰宜吐 勞

熱脉沈細無火者死 陽脉浮陰脉弱者則血虛

血虛則筋急 凡有者為實無者為虛假令脉浮則此無又如弦則木實金虧土虛

陰虛脉沈則為陰盛陽虛此有則彼無彼有

浮診見者為腑為上 部為陽 按之見者為臟為下

部為陰 脉來者為陽為氣為血去者為陰為血

假如脉來疾去遲為陽有餘而陰不足也故曰外實內虛是也出以候外疾為實入于候內遲為虛

寸微尺緊 虛損為陰盛陽微之故也 諸浮脉無根死腑臟

無根故也 長病脉 虛而濇 虛而滑 虛而緩 虛而弦

微而伏 浮而結 浮而滑 實而大 實而滑

細而軟 如屋漏 如雀啄 羹上肥 蜘蛛絲

如霹靂 如貫珠 如水淹 已上此脉得之則

生反之則死 一本如水淹之下注曰皆死脉也無

有識者 卒病與長病條下反之則死 人病甚

詳之 脉不調難差脉洪者易已

形脉相應 肥人脉細欲絕者死 瘦人脉躁者死

身温脉滑者死 身滑脉澁者死 身小脉大者

死 身大脉小者死 身短脉長者死 身長者短脉死

六十九察視

黑氣起於耳目鼻上漸入口者死 白色者亦然

赤色見於耳目額上五日死 張口如魚出氣不

反者死 循衣摸縫者死 無熱妄語者死 遺

屎不知者死 爪甲青者死 爪甲肉黑者死

舌卷卵縮者死 眉傾髮直者死 唇及人中滿

者死 陰陽俱閉失聲者死 神氣不守聲嘶者

死 汗出不流者死 尸臭不可近者死 回目

直視肩息者死 齒忽黑色 面青目黑面青目

黃面青目白面青唇黑者皆死 面白目黑面白

目白皆死 面赤目黃面赤目白死 面黑目白

死 面黑脇滿不能反側者死 面黑唇青死
面黑目青死 面黃目白面黃目青面黃目黑死
已上白如燦白仍枯骨赤似 心熱肩息回眄目
血青如草方為死候
直一日死 肺絕氣去不快口如魚三日死 骨
絕腰脊痛不可及側五日死 脾絕口冷足腫脹
泄十二日死 腎絕大便赤澁下血耳乾脚浮舌
腫者六日死 筋絕羸驚虛恐手足爪甲善呼罵
不休九日死 腸絕髮直汗出不止不傷屈伸六
日死 肝絕恐懼伏卧目直面青八日死又即時
死 胃絕齒落目黃者七日死

七十汗

脉沈微細弱不可汗 沈細為在裏 縮弱氣血虛 而緊法當身痛
當以汗解假令尺脉遲者不可汗 此血微 少故也 陰病
脉細沈數不可汗 病在裏 之故也 傷寒風濕 素傷於風 復傷於熱
四肢不收頭痛身熱常汗不解治在少陰厥陰不
可汗汗之謔語內煩不得卧善驚目乱無精光
傷寒濕温 素傷於寒 因而中腸 若兩胫冷腹滿頭目痛妄
言治在足太陰不可汗汗出必不能言耳聾不知
痛所在身青面变死 傷寒頭痛形象中風常微
汗出又自嘔者心懊懷發汗則痊 傷寒脉弦細

頭痛而反熱此屬少陽不可汗 太陽與少陽併
病頭項強病或眩冒心下痞堅不可汗 少陰病
欬而下利譫語者此強汗之故也 咽中閉塞不
可汗汗之則吐血 厥陰不可汗汗之穀亂咽嘶
亡血家不可汗汗之則寒慄 衄不可汗汗之必
額陷直視 淋瀝不可汗汗之必便血 瘡家不
可汗汗之則瘡 汗家不可重汗汗之必恍惚脉
短者死 冬時發其汗必吐利口瘡 下利清穀
不可汗汗之必脹滿 欬而小便利或失汗之則
厥逆 諸逆發汗微者難愈劇者言亂睛眩者死

動氣在不問左右上下一切不可汗 脉浮大可
汗問病者設利為 浮而緊可汗 太陽病脉浮
弱可汗 浮而數者亦可汗 脉遲汗出多微惡
寒表未解可汗 熱如瘧此如陽明脉浮虛 汗
身痛清便自調可汗

丹溪朱氏脉因証治終矣

昧因證治後序

醫師朱丹溪氏者自幼有大志從明師
讀書山中而留意於聖賢之學故其為
書也屈指非一端然而如心法如醫案
如纂要方昧家類以為醫之王道而翕
然宗之而吾薦紳雖遠遊亦必以其書
自隨者正以醫既純王則有投必中有
治必平真猶日用飲食而不可一日去

焉者但醫案則拘於已試纂要則窘於
未詳心法雖切脉處方僅有所發明然
於病證病因則亦未之逮焉者也久之
而先生之學日益進醫亦日益精惕然
又深省曰病之在人也有燥有濕有寒
有溫有太過而失之有餘有不及而失
之不足然非脉則無以探其隱非因則
無以究其源非證則無以察其病形非

治則無以攻其病本是故脉因證治一
書斯遂有以成之矣然成之而猶或秘
之徒使天下知有心法諸書而不知有
脉因證治一書者豈作者之心哉二百
年來他書既盛傳而此書乃獨無聞者
豈世其業者靳之而莫以自私耶未可
知也平海源泉子適以公務至吾漳有
感於區區傳方之故乃遂出此書而誇

